

## CYLCH GORCHWYL PWYLLGOR ARCHWILIO TŶ'R CWMNÏAU

### Un o Asiantaethau Gweithredol yr Adran Busnes, Arloesedd a Sgiliau (BIS)

#### 1. Cyflwyniad

Mae Bwrdd Llywio Tŷ'r Cwmnïau wedi sefydlu'r Pwyllgor Archwilio ar ffurf is-bwyllgor er mwyn cynorthwyo a chynghori'r Swyddog Cyfrifyddu ar faterion archwilio, llywodraethu corfforaethol, rheoli risg a rheolaeth fewnol ar draws holl feysydd y busnes. Mae'r Pwyllgor yn ategu gwaith y Bwrdd a'r Swyddog Cyfrifyddu trwy adolygu pa mor gynhwysfawr yw'r sicrwydd a roddir wrth ddiwallu anghenion y Bwrdd a'r Swyddog Cyfrifyddu o ran sicrwydd, ac yn adolygu dibynadwyedd ac uniondeb y sicrwydd hwnnw. Mae'r Pwyllgor yn gweithredu mewn cyd-destun ymgynghorol anweithredol.

#### 2. Aelodaeth

Mae aelodau'r Pwyllgor Archwilio yn cynnwys Tri Aelod Anweithredol o Fwrdd Llywio Tŷ'r Cwmnïau. Mae cyfansoddiad priodol i'r pwyllgor pan fo dau neu ragor o Aelodau'r Bwrdd Anweithredol yn bresennol. Tŷ'r Cwmnïau fydd yn penodi holl aelodau'r pwyllgor gan o dan egwyddorion yr Hysbysiad Penodiadau Cyhoeddus. Ceir rhestr o aelodau cyfredol y pwyllgor yn yr Atodiad i'r Cylch Gorchwyl hwn.

Bydd Tîm Ysgrifenyddiaeth Tŷ'r Cwmnïau yn darparu gwasanaeth ysgrifenyddiaeth ar gyfer y Pwyllgor Archwilio.

#### 3. Adrodd

3.1 Bydd y Pwyllgor yn meithrin hyder yn y system rheoli fewnol trwy ddod ag elfen annibynnol a thrwy roi arweiniad ar reolaeth ariannol a mathau eraill o reolaeth fewnol.

3.2 Bydd yn darparu asesiad gwrthrychol o'r datganiadau ariannol diwedd blwyddyn a'r adroddiadau cysylltiedig ac yn rhoi cyngor i'r Swyddog Cyfrifyddu mewn perthynas â chymeradwyo'r datganiadau.

3.3 Mae'r Pwyllgor Archwilio yn adrodd i'r Bwrdd Llywio ar ei weithgareddau a'i ganfyddiadau fel y bo'n briodol. Anfonir cofnodion at holl aelodau'r Bwrdd Llywio ar ôl pob cyfarfod a darperir adroddiad llafar ym mhob cyfarfod o'r Bwrdd Llywio.

#### 4. Cyfrifoldebau

4.1 Cynorthwyo'r Swyddog Cyfrifyddu wrth gyflawni ei rwymedigaethau o ran archwilio, rheolaeth fewnol a llywodraethu corfforaethol, a hynny trwy ddarparu fforwm drafod ar gyfer materion sy'n gysylltiedig ag archwilio mewnol ac allanol.

- 4.2 Cyflwyno canllawiau annibynnol ar reoli risg, trin a rheoli arian, a monitro, a chynghori ar y mesurau a gymerir i reoli'r rhain gan ddilyn yr arferion gorau.
- 4.3 Derbyn adroddiadau gan yr Archwilwyr Mewnol (a gwasanaethau eraill sy'n rhoi sicrwydd) a chynghori ar ddigonolrwydd ymateb y rheolwyr i'r materion sy'n codi yn sgil y gwaith archwilio o bryd i'w gilydd.
- 4.4 Cynghori ar ffurf a chynnwys y datganiadau ariannol blynyddol a'u hadolygu.
- 4.5 Cadeirydd y Pwyllgor Archwilio (neu aelod arall o'r Pwyllgor Archwilio os nad yw'r Cadeirydd ar gael) fydd yn cadeirio'r cyfarfod terfynol i gymeradwyo'r Cyflwyniad Llywodraethu Corfforaethol bob blwyddyn, a hynny ym mis Mawrth.
- 4.6 Adolygu a chymeradwyo cynnwys y Datganiad ar Reolaeth Fewnol.
- 4.7 Gweithredu fel pwynt cyfeirio canolog a mynd ati'n ymarferol i lywio'r gwaith archwilio mewnol ac allanol, a gwaith y Swyddfa Archwilio Genedlaethol.
- 4.8 Cwrdd â'r archwilwyr mewnol ac allanol yn annibynnol os ystyrir bod hynny'n briodol.
- 4.9 Adolygu perfformiad y pwyllgor ei hun yn rheolaidd gan ddilyn y gweithdrefnau ar arferion da.
- 4.10 Adolygu Cylch Gorchwyl y pwyllgor bob blwyddyn.
- 4.11 Adolygu'r polisïau atal twyll, y prosesau o ran chwythu'r chwiban a'r trefniadau ar gyfer ymchwiliadau arbennig.
- 4.12 Cymeradwyo'r cynllun Archwilio Mewnol bob blwyddyn.

## **5. Mynediad**

Caiff y Pennaeth Archwilio Mewnol a'r cynrychiolydd Archwilio Allanol fynediad rhydd a chyfrinachol i Gadeirydd y Pwyllgor Archwilio.

## **6. Cyfarfodydd**

- 6.1 Cynhelir o leiaf tri chyfarfod y flwyddyn, ond fel arfer cynhelir pedwar cyfarfod ym mhob blwyddyn ariannol. Gellir cynnal y cyfarfodydd hyn yng Nghaerdydd, Caeredin neu Belffast, yn dibynnu pa leoliad sydd fwyaf cyfleus a chost-effeithiol.
- 6.2 Bydd Tŷ'r Cwmnïau yn talu costau teithio rhesymol ar gyfer aelodau Anweithredol o'r Bwrdd.
- 6.3 Bydd angen i o leiaf dau o'r tri aelod parhaol fod yn bresennol er mwyn sicrhau cworwm mewn unrhyw gyfarfod.
- 6.4 Gall y Pwyllgor Archwilio ofyn i unrhyw swyddogion eraill o'r sefydliad fod yn bresennol i fwydo trafodaethau ar faterion penodol.
- 6.5 Gall y Pwyllgor Archwilio ofyn i unrhyw un o'r bobl sy'n mynychu fel arfer ond nad ydynt yn aelodau, neu bob un ohonynt, adael y cyfarfod er mwyn hwyluso trafodaeth agored a didwyll ar fater penodol.

- 6.6** Gall y Bwrdd neu'r Swyddog Cyfrifyddu ofyn i'r Pwyllgor Archwilio alw cyfarfodydd pellach i drafod materion penodedig y maent am ofyn cyngor y Pwyllgor arnynt.
- 6.7** Cymerir cofnodion ym mhob cyfarfod. Caiff y cofnodion eu cynhyrchu a'u dosbarthu er mwyn casglu sylwadau arnynt a chânt eu cymeradwyo cyn pen deg diwrnod gwaith ar ôl pob cyfarfod. Cânt eu dosbarthu wedyn i'r Bwrdd Llywio. Caiff y cofnodion hyn eu cyhoeddi ar safle mewnwyd Tŷ'r Cwmnïau er mwyn i'r holl staff eu darllen, os ydyn nhw'n dymuno.
- 7. Gofynion Gwybodaeth**  
Nodir yr eitemau craidd a fydd ar yr agenda yn y Rhaglen Dreigl sydd ynghlwm.

**Tŷ'r Cwmnïau**  
**Rhagfyr 2009**

## **Atodiad i Gylch Gorchwyl y Pwyllgor Archwilio**

### **Cadeirydd y Pwyllgor Archwilio fydd:**

Rodger Hughes

### **Aelodau anweithredol cyfredol eraill y Pwyllgor fydd:**

Alex Jablonowski

Nicki Alberry

### **Gall yr unigolion canlynol fynychu'r cyfarfodydd trwy wahoddiad:**

Gareth Jones, Prif Weithredwr a Swyddog Cyfrifyddu'r Asiantaeth

Mike Nash, Y Cyfarwyddwr Cyllid

Jon Whitfield, Y Pennaeth Archwilio Mewnol

Cyfarwyddwr y Swyddfa Archwilio Genedlaethol a'r Prif Archwiliwr Cyswllt

Pobl eraill a all ddarparu sgiliau, gwybodaeth a phrofiad arbenigol fel y bo'n briodol

## RHAGLEN DREIGL Y PWYLLGOR ARCHWILIO 2010

<p><b>Eitemau rheolaidd ar yr agenda</b></p>	<p>Rhaglen Waith yr Archwilwyr Mewnol</p> <ul style="list-style-type: none"> <li>• Y datblygiadau diweddaraf</li> <li>• Materion/adolygiadau penodol</li> <li>• Adolygu'r rhaglen</li> </ul> <p>Y Gofrestr Risgiau, rheoli risg a risgiau lefel uwch Annibyniaeth yr aelodau Rheoli Asedau Gwybodaeth (pob mis Medi?)</p>
<p><b>Eitemau rheolaidd er gwybodaeth</b></p>	<p>Y Cynllun Archwilio Allanol Briff Misol y Bwrdd Llywio Y Rhaglen Dreigl</p>
<p><b>Dyddiad y cyfarfod</b></p>	<p><b>Pynciau trafod eraill</b></p>
<p><b>Dydd Mawrth 23 Chwefror 2010 Caerdydd</b></p>	<p>Y Trefniadau ar gyfer Paratoi'r Cyfrifon Rhaglen Waith Arfaethedig yr Archwilwyr Mewnol Adroddiad ar y Strategaeth Archwilio Allanol Sicrwydd ar y Risg Lefel Uwch o Dwyll</p>
<p><b>Mai 2010 All-Bwyllgor</b></p>	<p>Adroddiad a Chyfrifon Blynyddol Argymhellion i'r Swyddog Cyfrifyddu</p> <ul style="list-style-type: none"> <li>• Y Cyfrifon Blynyddol</li> <li>• Datganiad ar y system rheolaeth fewnol yn Nhŷ'r Cwmnïau</li> <li>• Sicrwydd yr Archwilwyr Mewnol i'r Swyddog Cyfrifyddu</li> <li>• Testun yr Adroddiad Blynyddol</li> <li>• Adolygu'r Polisiau Cyfrifyddu</li> </ul>
<p><b>Dydd Gwener, 18 Mehefin 2010 Caerdydd</b></p>	<p>Cynghori'r Swyddog Cyfrifyddu ar yr Adroddiad a'r Cyfrifon Blynyddol terfynol Canfyddiadau'r Archwiliwr Allanol a materion sy'n codi o'r llythyr rheoli Cyfarfod preifat ar gyfer Aelodau Anweithredol y Bwrdd a Mazars yn syth ar ôl y prif gyfarfod</p>
<p><b>Dydd Mercher, 8 Medi 2010 Caerdydd</b></p>	<p>Eitemau Risg Allweddol? Rheoli Asedau Gwybodaeth?</p>
<p><b>Dydd Mercher, 8 Rhagfyr 2010 Caerdydd</b></p>	<p>Y cynllun archwilio allanol ar gyfer 2010 Amserlen diwedd y flwyddyn Adolygu Cylch Gorchwyl y Pwyllgor Archwilio Arferion a gweithdrefnau'r Pwyllgor Archwilio; adolygu effeithiolrwydd (caiff 1 awr ei neilltuo cyn y cyfarfod i'r aelodau lenwi holiaduron, a chaiff Andrew Summers ei gynnwys yn y cyfarfod)</p>

\*Eitemau Risg Allweddol i'w drafod yn fanwl mewn rhai cyfarfodydd